

**Mga Pasulit sa Pulong
sa Diyos**

Pangalan: _____

Pinuy-anan: _____

Siyudad: _____ Lalawigan: _____ Zip Code: _____

Nasod: _____

Grado _____

----- Pil-a dinhi nga linya -----



Educational Courses
P.O. Box 0623
Cagayan de Oro 9000
Mindanao, Philippines

Cebuano: John Exam _____

MGA PAHIBALO

Aron imong madawat ang hingpit nga tuyo niini nga pagtulun-an, among gisugyot ang mga mosunod:

1. Pangayo-a ang panabang sa Diyos sa dili pa mosugod.
2. Basaha ug maayo ang mga gabayan sa sinugdanan sa matag pagtulun-an.
3. Tubaga ang mga pangutana gikan sa panumduman ug isulat ang tubag pinaagi sa lapis.
4. Baliki ang imong mga tubag ug itandi sa pagtulun-an ug sa mga bersikulo sa Bibliya, ug usba ang mga tubag nga imong gituohang kinahanglan usbon.
5. Human mo matubag ang mga pangutana, palihug pagtangtang sa pasulit nga bahin niining basahon ug ipadala sa address nga nahitala sa ubos. **IPADALA ANG PASULIT NGA BAHIN LAMANG!** Among korihi-an ang mga pasulit ug among ibalik kanimo sa labing madaling panahon. Among ipadala kanimo ang sunod nga pagtulun-an uban sa Bag-ong Tugon. Kung makakuha ikaw sa dili mominus sa siyetenta porsyento (70%), padad-an ka namo ug lain pang mga pagtulun-an.

Pasulit 1

SA DIHANG ANG GINOO MIANHI SA KALIBUTAN

Sa mosunod nga mga pasulit adunay napulo ka mga pahayag. Ang uban niini nagpahayag sa matuod apan ang uban dili matuod. Human ninyo mabasa ang ebanghelyo ni San Juan 1:1-18 ug ang mga nahaunang pagtulun-an, basaha usab ang mga mosunod nga mga pahayag. Kung ang pahayag nahuyon sa ebanghelyo ni San Juan ug sa atong pagtulun-an, isulat ang pulong Matuod o M sa linya sa too. Kung ang pahayag dili matuod, isulat ang pulong Sayop o S.

Pananglitan:

0. Si Kristo mao ang Lalaking anak sa Diyos. _____
Atong nahibaw-an nga ang pahayag matuod, busa isulat ang M _____
0. Si Kristo mao ang Lalaking anak sa Diyos. M

Karon, basaha ang mga mosunod ug isulat ang M o S.

1. Si San Juan nagasugid kanato sa kasaysayan ni Kristo, ang Lalaking anak sa Diyos. _____
2. Ang Lalaking anak sa Diyos gitawag nga mao ang Pulong ug ang Kahayag. _____
3. Sa sinugdanan gihimo sa Diyos ang Pulong. _____
4. Ang Lalaking anak sa Diyos nagpadayag kanato sa dalan ngadto sa Amahan. _____
5. Si Juan Bautista dili mao ang kahayag apan siya ang nagpamatuod sa kahayag. _____
6. Kung ang akong amahan Lalaking anak sa Diyos, ako usab Lalaking anak sa Diyos. _____
7. Sa pag-anhi ni Kristo sa kalibutan, ang tanan malipayong midawat Kaniya. _____
8. Si Moises usa ka halangdon nga propeta ug ang grasya ug kamatuoran magadangat pina-agi kaniya. _____
9. Daghang mga tawo ang nagpakakita sa Diyos. _____
10. Kung motoo ako kang Kristo, mahimo akong Lalaking anak sa Diyos. _____

Pasulit 2

**ANG MGA TINUN-AN
NI KRISTO**

1. Si San Juan miingon, “Ako mao ang Kristo”. _____
2. Si San Juan mitawag kang Jesus nga “Nati nga Karnero sa Diyos”. _____
3. Nakita ni San Juan ang Espiritu sa Diyos nga mikunsad sama sa usa ka salampati ngadto kang Ginoong Jesus. _____
4. Sila ni Andres, Felipe, Simon Pedro, ug Natanael gihimong mga lalaking anak sa Diyos. _____
5. Si Andres nakadungog gikan ni Juan bahin kang Ginoong Jesus ug iyang gidala si Pedro sa Ginoo. _____
6. Ang unang milagro ni Jesus maoy tilimad-on alang sa Iyang mga tinun-an nga Siya ang Lalaking anak sa Diyos. _____
7. Gi-abog ni Jesus ang mga tawong nagnegosyo sulod sa balay sa Diyos. _____
8. Si Kristo nasayod nga Iyang ihalad ang Iyang kinabuhi ug nga kini makuha Niya pagbalik. _____
9. Si Kristo nasayod sa sulod sa matagkasingkasing sa tanang katawhan. _____
10. Kung ang usa ka tawo magadawat kang Kristo, si Kristo usab magadawat kaniya. _____

Pasulit 3

**ANG MAAYONG TAWO UG
ANG BABAYENG MAKASASALA**

Daghan atong mabasa karong mga panahuna nga nahisukwahi sa Pulong sa Diyos. Niining mosunod nga mga pagtulun-an among ipahayag ang mga kamatuoran pinasikad sa Pulong sa Diyos. Bisan pa niini, ang ubang pamahayag sa mosunod nga mga pasulit dili matuod. Kini among gituyo. Dinhi among itugyan kaninyo ang pagsabut sa sayop ug sa matuod.

1. Si Nicodemus usa ka dautan nga tawo _____
2. Ang pagpakatawo pag-usab mahitabo sa higayon nga ang usa ka tawo motoo kang Kristo ug magadawat Kaniya. _____
3. Ang pinakadutang mga tawo lamang ang gikinahanglan nga magpakatawo pag-usab. _____
4. Gipadala sa Diyos ang Iyang Lalaking anak aron sa pagsilot sa kalibutan. _____
5. Gusto ni San Juan Bautista nga ang katawhan mosunod kaniya. _____
6. Si bisan-kinsa nga motoo kang Kristo makadawat sa kinabuhing walay katapusan. _____
7. Ang babaye nga nakigsulti kang Kristo didto sa atabay usa ka matarung nga babaye. _____
8. Aron mabatunan ko ang tubig sa kinabuhi, gikinahanglan nga angkunon ko nga ako usa ka makasasala ug moduol ako kang Kristo. _____
9. Ang babaye nagtawag sa uban sa pagduol kang Kristo. _____
10. Ang ikaduhang milagro nga gihimo ni Kristo mao ang pag-ayo sa lalaking anak sa usa ka tawong dungganan. _____

Pasulit 4

**SI KRISTO NAGATABANG
SA KATAWHAN**

1. Ang tawo nga nagmasakiton sa 38 ka tuig adunay mga higala nga nagatabang kaniya. _____
2. Si Kristo mitabang sa tawong bakul pinaagi sa pagdala kaniya ngadto sa usa ka mananambal. _____
3. Ang mga Judio miangay nga gitambalan ni Kristo ang usa ka tawo sa adlaw nga igpapahulay. _____
4. Siya nga nakadungog sa Pulong ug nagatoo kang Kristo adunay kinabuhing walay katapusan. _____
5. Ang Diyos Amahan nagahatag sa Lalaking anak sa gahum sa paghatag usab ug kinabuhi. _____
6. Ang Diyos ug ang Balaang Kasulatan nagasaksi alang kang Kristo. _____
7. Daghang mga tawo ang mosunod kang Kristo kung Siya magasaad paghatag kanila ug bahandi. _____
8. Ang mga tinun-an nangahadlok sa dihang nakita nila si Jesus nga naglakaw sa tubig. _____
9. Si Kristo mao ang matuod nga tinapay gikan sa langit. _____
10. Daghan sa mga tinun-an ni Jesus wala makasiguro nga Siya ang Lalaking anak sa buhing Diyos. _____

Pasulit 5

**ANG TUBIG SA KINABUHI UG
ANG KAHAYAG SA KINABUHI**

1. Ang mga igsoon ni Kristo nagatoo kaniya sukad sa sinugdan. _____
2. Kaniya nga nagabuhat sa kabubut-on sa Diyos, ang Diyos magapadayag kaniya sa kamatuoran sa mga pagtulun-an ni Kristo. _____
3. Kung motoo ako kang Kristo, ikapakita ko sa uban ang tuburan sa buhing tubig. _____
4. Ang mga sundalo nagingon, “Walay tawo nga nagapamulong sama niining tawhana”. _____
5. Si Jesus miingon nga ang babayeng makasasala kinahanglan mamatay. _____
6. Si Jesus miingon sa babayeng makasasala nga mahimo siyang magpakasala sumala sa iyang kabubut-on. _____
7. Ang matuod nga Kahayag nagapadayag kanato sa bugtong dalan ngadto sa Amahan. _____
8. Nagkinahanglan ako sa gahum sa pag-undang sa pagpakasala. _____
9. Ang Yawa mao ang amahan sa tanang bakak. _____
10. Si Abraham nabuhi sa daghang katuigan sa wala pa si Kristo, apan si Kristo miingon nga sa wala pa si Abraham, anaa na Siya. _____

Pasulit 6

**ANG TA WONG BUTA
UG ANG MAAYONG MAGBALANTAY**

1. Ang Lalaking anak sa Diyos mao ang Nati nga Karnero sa Dios ug ang Kahayag sa Kalibutan. _____
2. Gihugasan sa tubig sa tawong buta ang lapok sa iyang mga mata ug siya nagpakakita. _____
3. Human tambali ni Jesus ang tawong buta, ang ubang tawo miingon nga si Jesus usa ka makasasala. _____
4. Ang tawong buta sukad pa sa iyang pagkatawo mituo nga si Jesus mao ang Lalaking anak sa Diyos. _____
5. Ang Ginoong Jesus mao ang Ganghaan sa Langit nga gihatag sa Diyos. _____
6. Ang Maayong Magbalantay nagahatag sa Iyang kinabuhi alang sa mga karnero. _____
7. Ang matuod nga karnero nagasunod kang Kristo ug nagpakadungog sa Iyang tingog. _____
8. Ang usa ka karnero ma-agaw gayud gikan sa kamot sa Dios, gikan sa kamot sa Lalaking anak, ug gikan sa kamot sa Diyos nga Amahan. _____
9. Sa ebanghelyo ni San Juan, atong makita nga ang tanan wala motuo kang Kristo. _____
10. Kung moduol ako kang Kristo ug magaila Kaniya nga Magbalantay, Siya maga-amuma kanako kanunay. _____

Pasulit 7

**SILAZARO UG
SI MARIA MAGDALENA**

1. Si Maria, si Marta ug si Lazaro nagpuyo sa Betania _____
2. Si Lazaro nagmasakiton ug namatay. _____
3. Si Jesus mihilak atubangan sa lubong ni Lazaro. _____
4. Ang Lalaking anak sa Diyos mitawag kang Lazaro gikan sa
lubnganan. _____
5. Ang Lalaking anak sa Diyos makahatag ug kinabuhi kanila nga
patay sa kasal-anan. _____
6. Si Caipas miingon nga maayo nga usa lamang ka tawo ang
mamatay alang sa kadaghanan. _____
7. Daghan sa mga Judio nga nagpakakita sa gihimo ni Jesus mituo
Kaniya. _____
8. Daghang mga tawo ang nagatawag kang Jesus nga Hari sa Is-
rael. _____
9. Ang Diyos nakigsulti sa Iyang Lalaking anak gikan sa Langit _____
10. Siya nga nagatoo kang Kristo nagatoo usab sa Diyos nga
Amahan. _____

Aduna ba kamoy mga higala nga gusto ninyong padad-an niini nga pagtulun-an? Kung aduna, palihug pagsulat sa ilang mga pangalan ug pinuy-anan sa ubos:

Pasulit 8

**SI KRISTO NAGATUDLO SA
IYANG MGA TINUN-AN**

1. Si Jesus nagagikan sa Amahan ug mibalik ngadto sa Amahan _____
2. Ang tanang gihugasan ni Kristo hinlo na gayod nga hingpit. _____
3. Gibutang ni Satanas sa kasingkasing ni Hudas ang pagbudhi kang Kristo. _____
4. Si Kristo nasayod nga si Hudas mobudhi Kaniya. _____
5. Nasayod usab si Kristo nga icalimod Siya ni Pedro. _____
6. Si Kristo nagatudlo sa Iyang mga tinun-an nga Siya mamatay ug mabanhaw. _____
7. Si Kristo maoy bugtong dalan ngadto sa Amahan. _____
8. Ang Diyos nagapadala sa Balaang Espirito aron sa pagtabang kanato. _____
9. Si Kristo nagahatag sa Iyang kalinaw sa tanan nga nahigugma Kaniya. _____
10. Atong gipamatuod ang atong gugma sa Ginoo pinaagi sa pagtuman sa Iyang mga sugo. _____

Pasulit 9

**ANG MATUOD NGA
PUNUAN SA PARAS**

1. Si Kristo mao ang matuod nga punuan sa Paras ug kadtong mitoo Kaniya mao ang mga sanga. _____
2. Ang tanang tawo adunay igong kahinlo sa iyang kaugalingon sa pagtindog atubangan sa Diyos. _____
3. Ang Pulong sa Diyos nagahinlo kanato. _____
4. Gipakita ni Jesus ang Iyang gugma pinaagi sa pagpakamatay alang kanato. _____
5. Kung buhaton ko ang gitudlo ni Kristo, ako usa niya ka higala. _____
6. Ang Balaang Espirito nagasaksi alang kang Kristo. _____
7. Ang pagdawat kang Kristo mao ang pagdawat sa Diyos. _____
8. Si Jesus misaad sa Iyang mga tinun-an nga ang tanan mahigugma gayud kanila. _____
9. Si Kristo nagaampo alang niadtong motoo Kaniya. _____
10. Si Kristo usa lamang sa daghang mga dalan ngadto sa Diyos. _____

Pasulit 10

**SI KRISTO NAG-AMPO ALANG
SA IYANG MGA TINUN-AN**

1. Atong mabasa sa kapitulo 17 nga ang Ginoo nag-ampo ngadto sa Amahan. _____
2. Ang Ginoong Jesu-Kristo lamang ang adunay gahum sa paghatag sa kinabuhing dayon. _____
3. Ang kinabuhing dayon maangkon lamang pinaagi sa pag-ila sa matuod nga Diyos ug kang Jesu-Kristo. _____
4. Gikinahanglan ko ang mapadayonon nga pagbuhat sa maayo aron akong maangkon ang kaluwasan sa Divos. _____
5. Ang Pulong sa Diyos nagahatag kanato sa mga gipamulong sa Diyos. _____
6. Gikinahanglan nato ang mga pagpangamuyo sa mga santos ug anghel. _____
7. Ang Pulong sa Diyos kanunay nga matood. _____
8. Si Kristo nag-ampo nga ang kalibutan motoo nga ang Amahan mao ang nagpadala Kaniya. _____
9. Si Kristo nag-ampo nga ang gugma sa Amahan alang Kaniya mahiadto usab unta sa tanang nahibalo nga ang Amahan nagpadala sa Lalaking anak. _____
10. Ang Diyos Amahan wala mahigugma sa Lalaking anak sa pagkagagi nga Iyang gitugot nga kini mamatay. _____

Pasulit 11

SI KRISTO PADULONG SA KRUS

1. Ang Lalaking anak sa Diyos nagpakatawo ug nagpakamatay. _____
2. Ang mga sacerdote ug ang mga Pariseo mihulhog kang Hudas sa pagbudhi kang Kristo. _____
3. Si San Pedro naguol kay dili siya makasulod sa dapit nga pagahukman kang Kristo. _____
4. Si Pilato nangutana, “Unsa ang kamatuoran?” _____
5. Gusto sa katawhan nga si Barabas mao ang ilansang sa krus ug dili si Kristo. _____
6. Ang mga dautang tawo nagbutang ug koronang tunok sa ulo ni Kristo agi ug bugalbugal Kaniya. _____
7. Ang mga labawng sacerdote mitoo nga si Kristo usa ka matuod nga Hari. _____
8. Tulo ka mga tawo ang gilansang sa tulo ka mga krus. _____
9. Dili mapasaylo ni Kristo ang mga tawong naglansang Kaniya sa krus. _____
10. Si Kristo gilubong sa usa ka lubnganan sa hardin haduol diin siya gilansang sa krus. _____

Kung aduna kamoy mga higala, palihug pagsulat sa ilang mga pangalan ug pinuy-anan sa ubos ug amo silang padad-an niini nga pagtulun-an.

Pasulit 12

**SI KRISTO NABANHAW
GIKAN SA MGA PATAY**

1. Ang mga tawo milansang kang Kristo sa krus apan ang Diyos nagbanhaw Kaniya gikan sa mga patay _____
2. Si Maria Magdalena mibalita kang Juan ug Tomas nga ang Ginoo gikuha gikan sa lubnganan. _____
3. Dili si Maria ang nakakita sa nabanhaw nga Kristo. _____
4. Sa dihang gilitok ni Jesus ang pangalan ni Maria, siya nakaila davon sa Ginoo. _____
5. Si Kristo mihuyop sa Iyang mga tinun-an ug mihatag kanila sa Balaang Espiritu. _____
6. Nakita ni Tomas si Kristo ug siya misinggit, “Ginoo ko ug Diyos ko.” _____
7. Ang Ginoo mipakita sa iyang mga tinun-an ka-usa lamang human Siya mabanhaw. _____
8. Gipangutana ni Kristo si Pedro kung siya nahigugma ba Kaniya. _____
9. Si Juan mao ang tinun-an nga misulat niining mga butanga. _____
10. Karon dayon maluwas ako kung motoo ako kang Kristo nga mao ang Lalaking anak sa Diyos ug ang Manluluwas sa kalibutan. _____

MAHINUNGDANONG BERSIKULO

Adunay daghang bersikulo sa sinulat ni San Juan nga linamdagan sa Balaang Espiritu. Ang uban niini mao ang mga mosunod ug among isugyot nga kini imong isag-ulo.

“Apan sa tanang midawat kaniya, ngadto kanila siya nagahatag sa gahum nga mahimo nga mga lalaking anak sa Dios, bisan ngadto kanila nga mitoo sa iyang ngalan.” (1:12).

Dinhi atong nahibaw-an nga kanila nga mitoo sa Lalaking anak, Siya naghatag ug kagahum sa pagkahimong mga anak sa Diyos. Walay tawo o relihiyon ang adunay katungod o gahum. Pinaagi lamang sa pagdawat kang Kristo nag kita mamahimong mga lalaking anak sa Diyos.

“Kay ang Dios gayud nahigugma sa kalibutan, nga tungod niana, iyang gihatag ang iyang bugtong gipanganak nga Lalaking anak, aron ang tanan nga motoo kaniya dili gayud malaglag, apan may kinabuhing walay katapusan.”

(3:16).

Mao kini ang usa sa pinakabantugan ug pinakamahinungdanong bersikulo sa tibook Bibliya. Dinhi nagaingon nga ang Diyos nahigugma gayud sa kalibutan ug gihatag Niya ang Iyang Lalaking anak alang kanato. “Siya nga nagtoo kaniya dili hukman: apan siya nga wala magtoo gihukman na,” (3:8). “Siya nga nagtoo sa Lalaking anak may kinabuhing walay katapusan: ug siya nga dili motoo sa Lalaking anak dili makakita sa kinabuhi; apan ang kaligutgot sa Dios magapabilin diha kaniya.” (3:36).

“Sa pagkamatuod, sa pagkamatuod, ako magaingon nganha kaninyo, Siya nga nagapatalinghug sa akong pulong, ug nagtoo kaniya nga nagpadala kanako, may kinabuhing walay katapusan, ug dili moadto sa pagkahinukman; apan milabay na gikan sa kamatayon ngadto sa kinabuhi.” (5:24).

Siya nga nagapatalinghug (o nagabasa) sa mga pulong ni Kristo ug mitoo sa Diyos, karon dayon, makabaton ug kinabuhing dayon. Dili na siya pagahukman. Nasinati mo ba kini?

Atong natun-an ang mga makapatingalang kamatuoran sa pagkatawo sa Ginoo dinhi niini nga ebanghilyo.

“Ako mao ang tinapay sa kinabuhi” (6:35). Si Kristo nagatagbaw sa kasingkasing nga nahi-angay Kaniya.

“Ako mao ang kahayag sa kalibutan” (8:12). Siya nga nagasunod kang Kristo wala magalakaw sa kangitngit.

“Ako mao ang pultahan” (10:9). Kung kita magasulod pinaagi Kaniya, aduna kitay kasiguruhan.

“Ako mao ang maayong magbalantay sa karnero” (10:11). Siya maga-amuma kanato.

“Ako mao ang pagkabanhaw ug ang kinabuhi” (11:25). Kung kita motoo Kaniya, bisan kita mamatay, makabaton kita ug kinabuhing dayon.

“Ako mao ang dalan, ang kamatuoran, ug ang kinabuhi” (14:6). Walay laing dalan padulong sa Amahan, si Kristo lamang ang kamatuoran; ang kinabuhi kawang lamang kung wala si Kristo.

“Ako mao ang matuod nga punu-an sa paras” (15:1). Kung anaa kita kang Kristo, maka-ambit kita sa Iyang kusog ug pag-alima.

Si Jesu-Kristo, ang Anak sa Diyos, ang Pulong sa Diyos, usa ka katingalahang Manluluwas. Makaingon ka ba nga, “Siya ang akong Manluluwas?” Kung dili, karon dayon, ipahaluna ang imong pagtoo diha kang Kristo alang sa kapasaylohanan sa sala, alang sa kinabuhing dayon ug alang sa kaluwasan. Kung dawaton mo si Kristo, dawaton ka usab Niya! Si Kristo nagpakamatay sa krus alang sa atong mga sala. Ang Diyos magapasaylo sa mga sala niadtong motoo sa Iyang Lalaking anak.

UNSA MAY IMONG BUHATON?

Imong nabasa ang napulog duha ka mga pagtulun-an ug 21 ka kapitulo sa ebangheliyo ni San Juan. Imong natun-an nga si Jesus, ang Lalaking anak sa Diyos dili makasasala apan nagpakamatay alang sa atong mga sala.

UNSAY IMONG HUNAHUNA NIINI?

Palihug basahag maayo ang mga mosunod ug isulat ang letrang M sa linya diin ang nag-unang pahayag imong gi-angkon ug gituohan nga matuod.

1. Ako nasayod nga si Jesus mao ang Lalaking anak sa Diyos. _____
2. Ako nasayod nga Siya nagpakamatay aron sa pagluwas sa mga katawhan gikan sa ilang mga sala. _____
3. Ako mitoo sa akong pagkamakasasala ug nga si Jesus nagpakamatay alang kanako. _____
4. Karon akong gidawat si Jesus nga akong Manluluwas. (Kung ikaw naluwas na, isulat sa linya ang petsa sa imong pagdawat kang Kristo nga imong Manluluwas.) _____
5. Karon magkinabuhi ako nga mapasalamaton sa Diyos sa Iyang pagpasaylo sa akong mga sala ug pagluwas sa akong kalag. _____

Isulat sa imong kaugalingong pulong, dinhi sa ubos, ang dapit nga imong padulngan kung ikaw mamatay ug ngano.

Kung aduna ka pay mga pangutana, palihug isulat sa ubos.
